



04828

鄂韡聯吟處題贈續錄

詩

錢唐吳錫麒穀人

花耐光澤照吟眸花底拈牌共唱酬絕勝蕭蕭風

雨夜彭城羈旅不勝愁

春滿橫湖漾綠波庭前花樹總交柯臨風譜出壘

簾調急難深防外侮多

自青無錫楊芳燦蓉裳

才名推競爽人說二難并健筆題鸚鵡新詩咏鶴

題贈續錄詩

鴿秋風牽手語夜雨對床聽不作西堂夢池塘草

自青

一編花萼集文采照江關陸氏東西屋何家大小

山清懽銀鑿落好句玉連環我欲拏舟訪論交伯

仲間

儀徵阮元雲臺

沿湖兼葭水一方橫山恰對讀書堂華不開滿連

枝樹雙鳥徘徊春晝長

新詩清比玉壺冰茅屋二重寫研綾九十九峯明



鏡裏對床風雨話行滕

德州盧蔭溥南石

平蕪山盡處森木古瑛城溪上草堂好門前釣艇  
橫對床聽夜雨分穀課新耕屋角婆娑樹春風華  
紫荆

山陰李堯棟松雲

宦學中年萬里馳雁行那不惜分離可堪四海論  
交日尙憶彭城聽雨時

難弟難兄未易才更難鄉井共徘徊朝朝小謝聯

題贈續錄詩

二

吟榻何用池塘入夢來

長白伊湯安小尹

八年禾郡守此日復經過父老今猶健流連笑語  
多投來詩一束喜合樹雙柯努力培根本春風滿  
薜蘿

元和石韞玉琢堂

鄂鞞聯吟處依依手足情居然成二妙不用羨三  
荆並茂芝蘭臭同羣鴻雁聲一編花萼集無愧玉  
溪生

嘉定李廣芸許齋

交柯樹交柯樹樹下機雲結廬住雙樹根成一樹  
枝枝枝葉葉總華滋若非式好無相猶豈能感此  
草木之無知草木無知人知之曾入小雅詩人詩  
小雅詩吟讎讎不承鄂異凡卉惟春之月花正榮  
上有脊令飛且鳴三間老屋一株樹中有堦簾相  
和聲堦簾吹手足比蘇兮床姜兮被君看交柯樹  
下之兩生入則聯吟出則耕春令長鳴樹長緣不  
願入歌一斗粟

題贈續錄詩

三

奉賢陳廷慶古華

鴛鴦橋畔關騷壇聞道扶風有二難努力春光莫  
分手肯教姜被一宵寒

古華階州刑日樹佳山

君家橫湖上春草應最多况有庭前樹春來花猶  
儼花花自承萼萼垂交柯堦簾吹其乖怡怡當  
如何

秀水夏

儼守白

君家友愛鄉間傳玉昆金友多吟箋正始之音意



忠厚直紹漢魏驅時妍士林嘖嘖稱其賢題詞贊  
揚寧頗偏與君早訂金蘭譜青松交道貞而堅素  
心晨夕屢過從每覺春氣流几筵腹撐五經鑄三  
史胸羅列宿納百川遐徵古訓互討論曠懷往昔  
柏勉旃緒言不紛吐不竭若探遠峽尋源泉草堂  
書靜局葦戶千章夏木羅階前蟲鳥無聲若深谷  
蒼霏冪砌鋪苔錢客來話茗坐移晷貧居媿未供  
蔬饘送君歸去橫湖邊聊作長歌附幘尾頌君美  
君無間然

題贈續錄

詩

四

吾無海鹽任昌運香杜

建安風骨誇絕世煮豆然其傷至性田氏三荆枯  
復榮不聞載籍留篇詠吾鄉馬氏推白眉友于兄  
弟坎壈簾庭有常棣花連理交柯枝不假形聲絕  
視聽精神感通草木知余未識面感君意但見騷  
客多題詞伊余離鄉二十載舊遊同輩無復在長  
記雙峯蘭若邊少年花裏鬪朋殘衰頹難挽弩千  
鈞生曠梅花種十年何時得遂還鄉願與君兄弟  
飲酒賦詩篇手折花枝挿帽稱花顛

錢唐何元錫夢華

分明雨到與雙丁  
伯仲文章足典型  
人世漫傳荆樹秀  
庭前草木也通靈

池塘春草向人誇  
樂事當年說謝家  
我愛青邱高氏句  
好風吹出棗棠華

平湖胡雅填蕙園

橫湖之水接滄海  
往往憑空現光彩  
雙橋橋畔屋三間  
此中大有畸人在  
畸人家世本扶風  
難弟難兄心賞同  
軾轍猶分床上下  
機雲各占解西東  
何

題贈續錄詩

五

如一室年年住  
上有交柯棠棣樹  
坐石聽歌播塔詞  
掃苔爲續烟霞句  
蔣子丹青妙入神  
友子想像見天真  
盡成海內爭先睹  
詩寫圖中盡偉人  
我亦披縑能讀畫  
焚香盥手低頭拜  
人生此樂復何如  
姜被田荆同一派  
相對眞令移我情  
中年哀樂感枯榮  
神傷書屋藕花冷  
謂大令四兒  
夢斷池塘春草生  
謂秀才  
殘荆剩有兩枝映  
蓮花世界耽清淨  
近惟明經  
七第 同居 回首遙天雁  
一行分飛半被秋風橫  
君家兄弟不可當  
俱是白眉誰最良  
明日扁舟橋下去  
鷺



鷺相望卽鴛鴦

錢唐王 槐丹生

讀書偏教淚不支那堪卒讀卷中辭卅年孤立重  
回首欲廢唐風杖杜詩

仁和李方湛先甫

昔年打槳過橫湖欲訪才人大小蘇惱恨風帆行  
太速鷺鷥橋下月如珠

一編花萼記聯芳剪燭吟成正對床我自傷心同  
旅雁西風零落不成行

題贈續錄詩

六

錢唐陳鴻壽曼生

伯也宜堊仲也麗如何煮豆却然萁芳菲只有田  
家樹佳話重添鄂不詩

海寧陸素生夷白

撚髯作計太憨生人旣稱難樹獲名小隱鷗波稀  
畫鷁微吟雁柱語春鶯被聯江海惟同夢草長池  
塘奈遠情輸與渠家好昆友誰云至樂本無聲

嘉興丁子復見堂

吾友草廬子榕園稱君兄弟賢畫圖從想像嘉樹合

連卷風雨情何極  
壘簾集並傳花時好  
相訪一繫石根船

錢唐施紹武石樵

機雲自昔推同調  
軾轍由來並軼羣  
羨煞扶風好

兄弟棣花香裏續  
前芬

小築曾聞傍釣磯  
平橋野水認依稀  
他時倘許聯

吟侶短艇衝煙直  
欸扉

煙波百里眼鷗盟  
展畫依然見至情  
珍重君家華

萼集早聞傳唱滿  
江城

題贈續錄詩

七

嘉善張身濤逸僊

橫湖湖畔扶風第  
中有白眉好兄弟  
少依絳帳嘗

聞詩壘簾競奏清  
芬繼常棣栽來幾  
歲華兩株聯

屬紛交加鴿原樂  
事徵和氣天貺嘉  
祥發此花憶

昔吾家花瑞稠  
蘭茁駢枝荷並頭

癸卯秋吾家娛志居前蘭茁駢

枝松鱗書屋池中  
蓮開

並蒂各賦詩寫圖  
以識

憐余伯仲早徂  
謝卅年姜

被空生愁德門佳  
話傳人口羣羨金  
昆與玉友木

之交讓草實連保  
護蘿葱永不朽  
君不見同根接  
葉曷精神寫出  
吶哦意能真嗟  
彼分荆煮豆者  
羞



對聯吟畫裏人

仁和余 鏐慈柏

難竭大蘇海誰攻小謝城能傳昆誥義偏具苦吟  
聲思向花前發歌當月下清一庭生意滿光澤正  
敷榮

海寧鍾德基嵩霞

海國詞章孰擅名新傳抱樸集初成才華已覺清  
如許又聽雙雙雛鳳聲

拏音未訪讀書臺一卷聯珠見俊才而我對圖惆

題贈續錄詩

八

悵甚棣花獨向故園開

余遷居楓溪  
已二十餘載

仁和孫熙元邵庵

春草池塘入夢來讀君詩卷意遲回裳裳棣萼雙  
枝茂共向花前倒玉杯

我亦聯床愛短吟寒燈旅館觸離心何時共聽瀟  
瀟雨刻燭西牕夜漏深

仁和沈學林松坪

集文選句

華鄂相光飾裛露掇其英芳樹垂綠葉園林無俗

情攜手共行樂親戚弟與兄妙詩申篤好志不在  
功名暇日聊游豫慮澹物自輕開軒臨四野月露  
皓已盈

海寧許集梧夢塘

酬唱橫湖雅韻清編成花萼合齊名何須夢寐吟  
春草自有光榮護紫荆畫本能傳山水意詩牌如  
寫弟兄情二蘇輸爾歸田計負却牀頭風雨聲

海寧沈毓蓀蘋濱

橫湖烟漲水迢迢菱芡菱蒲兩岸饒老屋一椽花

題贈續錄詩

九

一樹吟詩人在鷺鷥橋

卅年前事記依稀草綠池塘夢已非吟到棣花花  
下句回頭怕見雁行飛

春草錢唐孫琪玉樵畫本

人生至性能感物草木無靈應斯疾風詩莫漫咏  
穠矣正雅分明歌鄂不橫湖馬氏兩詩人壩吹簾  
和樂天倫脊令搖搖飛上下庭樹忽合枝恒春披  
圖想見聯吟處竹韻蕉風滌塵慮他時理楫打柴  
門可許花間共題句自嘆年來走四方一官匏繫



語溪傍聯床姜被不可得展卷愁聽雨淋琅

嘉善謝宇澄石雲

指點橫湖處士莊花開常棣滿庭香當年二陸風  
流歎絕勝雲間舊草堂

一編相對夕陽遲又是茶烟初起時他日鷺鷥橋  
畔過訪君花下誦君詩

海寧陳攀龍望樓

門內壘簾迭奏庭前常棣齊芳永守奇溫姜被不  
教夢到蘇牀

題贈續錄詩

十

夜榻聽風聽雨詩筒聯璧聯珠倘許花時叩訪春  
波一棹橫湖

歸安吳 瀾悔山

橫湖最深處烟水綠迴環中有兩居士希風大小  
山銜杯諧笑語蠟屐共追攀滿院開花萼春光上

醉顏

海寧查有新春園

世間植物無所知何來奇樹爭獻奇兩株棠棣忽  
合幹鴛鴦橋畔橫湖湄喧傳已遍數百里合穎嘉

祥今在茲豈知扶風兩白眉元氣絕勝春風吹連  
理之木交讓樹益信載籍非余欺嗚呼尺布斗粟  
謠堪悲煮豆往往然豆其同氣鬪牆類仇敵至性  
一滴疇能治薰德正可輓頽俗鴻藻况復工文辭  
堽簾遞奏良足樂怡怡情味形諸詩今秋訪我龍  
山麓手出一編皆珠璣老泉軾轍各著集尊甫抱  
集及兩昆詩  
集並蒙見示譬諸草木無差池挑燈十讀沈痛處  
令我感激生纍欵憶昔聯床聽風雨聯吟競爽曾  
偃偃一自飢驅走千里池塘夢斷悲漣漣二陸齊

題贈續錄詩

十一

名真健羨百年聚順相娛嬉願却虛譽敦實行庭  
前棣萼應知之

集並歸安嚴儀韶西竹

同志已難得相依况雁行再賡嘉樹頌好廢角弓  
章句覓杯深淺燈挑漏短長何時攜小艇徑訪讀

書堂

烏程宋準

春風棣萼綠迴環小閣聯吟意緒閒家近澗川堪  
放棹飽看九十九青山



海寧柏導淮桐山

琴書寥落水雲邊回首庭荆意惘然羨煞謝家好  
兄弟一編花下夕陽天

嘉興馮登府柳東

我愛君家好兄弟詩成真喜性情同香飛一樹荆  
花裏人坐三間竹屋中何氏小山聯夜雨謝公池  
館對春風鄂輝定繼當時美嘉蔭無忘賦角弓

錢唐孔傳綸夢鷗

橫山一片雲泛泛秦溪渡茅茨俯清淺水碧沙明

題贈續錄詩

士

處時雨過平川春流澹鷗鷺和風愜天真草木足  
生趣紅影滿牆頭吟老連枝樹

嘉善黃安濤霽靄

馬家好兄弟小隱卜橫湖酒熟連床飲詩成隔壁  
呼百年嘉樹蔭兩箇列仙癯何日借予季扁舟興  
不孤

嘉興屠雲堯梅西

平原才思入清新玉樹風流洵絕倫可似夫移華  
放處一簾紅影坐詩人

春風庭樹剪紅時攜手同吟七字詩不唱淮南春  
斗粟知他花發定連枝

錢唐高曰濬犀泉

連牀聽雨共論詩坡老相思遊宦時爭是同根還  
並茂吟來都是鶴令辭

嘉善顧允文雲叔

遠勝田荆歲歲紅咸欽抱樸舊家風問他葛藟忘  
根本何似聯吟點綴工

仁和胡鑑

題贈續錄詩

三

春色爛漫春風顛花花葉葉春光妍庭前一樹更  
奇絕聯枝合幹年復年先生伯仲各翼翼一門璧  
合還珠聯和氣感物物應瑞連枝交讓奚數焉兄  
弟攜手花下坐壘吹簾和正聲宣掀髯相顧得佳  
句潑墨寫入烏絲箋披圖令人羨且妬側身遠望  
渾疑仙憐余孤特鮮同氣謂他人昆殊愧田荆賢

海寧柏昌齡芝田

不爲林泉計翛然物外身文章綿世澤孝友樂天  
倫玉樹交枝茂瑤編琢句新卽今常棣下時有咏



花人

海寧查一飛也白

我恨不如子母竹攢根疊幹水之隩又恨不如合  
體枝東西相向無差池頻年負米從遠道地棘天  
荆悔顛倒植萱堂上憂未忘生草池邊夢偏好橫  
湖二馬吟李家花萼文輝矜詩葩種田二頃足梁  
稻環宅五畝栽桑麻庭前手植有雙楝故枝歲歲  
抽新芽吁嗟田家之荆分卽死以物感人淚不止  
君家之楝兩本榮一氣相孚木連理物性自與人

題贈續錄詩

古

性通風雨聯吟誇並美二君豈重文字緣至行自  
足青史傳卽從詩卷論式好兄酬弟唱何纏綿披  
圖未忍再三讀急放歸舟雲洞邊

余居花溪  
雲洞港

二平湖朱壬林小雲

武原西去橫湖里中有詩人大小山門對青峰屋  
繞水月明賭唱棹歌還

集中有橫  
湖棹歌

次公聽雨中宵恨杜老看雲白日眠何似對牀同  
嘯傲和風藹藹滿庭前

海寧趙 檉雲木

鄂鞞聯吟處同聲句並工名齊四皇甫才敵五扶  
風春樹荆花紫秋燈夜雨紅年年足清咏穩住屋  
西東

海寧梁齡增仙槎

常棣連枝足唱酬圖成色色見清幽誰騎款段歸  
鄉里笑殺君家馬少遊  
聯吟真得古人風春草池塘句盡工他日輜軒傳  
孝友好憑金管記湘東

仁 和錢 桂小山

題贈續錄詩

五

夢到池塘誇謝客吟餘風雨話坡仙披圖振觸分  
飛久欲寄離懷到雁邊

平湖丁曙英半閒

誰將逸韻寫聯芳爭羨元方與季方草木亦從天  
性感姓名肯讓古人香壘簾雅奏傳詩譜棣萼餘  
輝映草堂繫我愁來歌杖杜春風夢不到池塘

嘉善王錫祺左卿

橫湖家學並眉山最好聯吟靜掩關會看東風枝  
上過棣花紅到紙窗間



樹猶如此庇同根想見門庭古義敦  
悵我六年離雁序池塘有句不同論

嘉善王錫輅輞川

橫湖名境舊聞知橋號鴛鴦渡鷺鷥若問騷人誰  
絕唱鄂花林下有壩簾

廬名抱樸俯烟濤

君尊人有抱樸居詩集

老鳳聲殘雛鳳吟

料得趨庭遺訓在鶴令原上最關心  
讀君詩畫我生憐姜被分眠已數年  
此生如二俊登山臨水總隨肩

題贈續錄詩

六

平湖劉學澄鑑塘

悵望橫湖百里間羨君兄弟早投閒  
畫圖已見東西屋棲隱澤如大小山  
棠棣枝頭春爛漫鷺鷥橋下水潺湲  
相期共和聯吟句它日登堂一解顏

嘉善郁韶雙石

千載風流說五常聯吟又見白眉良  
嗟予同被人寥落風雨年年夢對牀

嘉善費綬文秋菘

君家兄與弟均是白眉才樹向庭前  
合花從石畔

開聯吟春正好細雨燕初來擬泛橫湖棹相將坐  
碧苔

金山丁繁培霽堂

尺布尚難縫一宅各分徙如何木兩株鸞爾成連  
理曹氏豆萁煎田氏荆花紫君家橫湖濱友于著  
閩里九世堪同居一朝名更起無愧扶風裔試看  
庭前粹

嘉善顧之芳南圃

十里橫湖漾碧瀾扶疎嘉蔭足盤桓機雲廨住東

題贈續錄詩

七

西近軾轍牀聯風雨寒分韻宵深斑管燦看花晝  
永酒杯寬天倫樂處蒸成瑞不數田荆與謝蘭

海鹽趙淳履竹亭

荆花分合日棣萼感通時沔彼橫湖水培茲連理  
枝文章蘇軾轍名譽宋郊祁家世扶風舊聯吟一  
卷詩

無錫尼嶽蓮玉井

方外

武原家世馬扶風昆季聯吟句盡工想得庭前連  
理樹逋翁臺畔棣花紅



種得桑麻避世喧讀書聲裏閉柴門  
幾夕瀟灑臨溪屋家住江南烏夜村

上海歸懋儀佩珊 以下閩秀

連珠一卷手編成字字都從至性生  
棣萼花開春酒熟草堂風雨對吟聲

從古清才競爽難谿山勝處共盤桓  
天涯多少看雲客手把茱萸淚未乾

海寧賈如如長河

蘭蕙江南唱竹枝分飛雁影望躊躇  
忽披鄂鞞聯

題贈續錄詩

六

吟集爲憶琴樽共賞時五畝湖濱春  
淥繞雙株門外晚虹垂同根連氣原  
相感漫問常花知不知

歸安談印梅

池塘春草吟康樂風雨彭城憶次公  
何似橫湖花滿樹交柯並蒂舞春風

抱樸詩名噪四方遺編底用鑿楹藏  
分明先世青箱業付與聯吟馬五常

平湖陸荷清孟貞

瓊城烟水沒苔磯兄弟長吟鎮掩屏  
常棣花間峯

令鳥枝成連理翼雙飛

詩餘

錢唐梁同書山舟

同氣翹材少問誰歟壘簾競奏並臻佳妙難得五  
常多樂事遠勝雙丁二到這福慧可知非小各據  
胡牀劈牋處縱火攻也出心中好金谷罰謹女教  
同懷我亦欣同調憶當年弟吟紅藥兄吟春草  
一自鴿原頻咏後久矣不彈此調徒羨爾棣華敷

題贈續錄詩餘

尤

藻莫把韶光等閒過向花間鎮日尋詩料編一部  
鄂不藁

賦林無錫華瑞潢秋槎

減字木蘭花

竹風松雨坡老彭城愁幾許韻事而今一卷吟成  
棣鄂吟者般才調不數何家山大小漫說無雙  
秋鞠春蘭費品量

嘉善顧超邕晦庵

減字木蘭花





余兄弟僻處海鹽橫湖之濱數椽茅屋風雨聯牀  
自問固無足重者自家園產有連枝樹兩木交柯  
合幹邑中爭傳祥異郡伯李許齋先生深加獎賞  
爲署齋額曰鄂鞞聯吟處并跋數語以誌其事友  
人蔣孟卿復作圖傳之一時耆儒老宿鉅製名篇  
後先投贈恐其久而散佚因彙錄之共得詩文如  
干首壽之棗梨用志諸君子期勉之意云嘉慶己  
巳歲上元前五日棣園主人馬國偉自題於小峨

谿山館

題贈錄跋

一

鄂鞞聯吟處余兄弟讀書之所也駕湖友人蔣孟  
卿作圖紀事遠近諸君子題贈者凡百餘家兩窗  
披閱數過恍若集海內名流晤對一室快何如之  
然其間素知交而未題者有人已題詩而遺忘者  
有人客他鄉而未會題者亦有人化異物而不及  
題者亦有人聚散存歿蓋不能無感矣授梓以垂  
久遠使後之閱者知余弟兄之情誼亦卽以志同  
人之高誼也嘉慶十四年春王正月長水鄉人馬  
用俊跋



元顧阿瑛刊玉山唱和詩所以紀賓朋文酒之勝也至垂虹亭長楓江漁父圖題詞汪龍莊先生雙節堂贈言皆以志百朋之錫而可謂極一時之盛矣余兄弟碌碌無所表見欲藉同人筆墨以傳己已春曾彙小齋題贈詩文授梓四三年來四方交好先後投贈又不下什百篇恐其鼠耗魚蝕孤負殷拳之至意因搜羅篋衍續存若干首以仍前志非敢頡頏徐汪二公或庶幾附青雲而名益顯也夫嘉慶癸酉春日馬國偉自題於古春洞天

題贈續錄跋

一

僕兄弟曾作聯吟圖同人皆有贈言已彙冊付梓矣厥後遠近諸君子陸續以詩文見投短章巨幅玉振珠聯裝潢一冊存諸行篋忽忽于今又幾載矣長夏整理故書檢得之拂塵重閱鼠蠹凋殘恐負同人雅誼急命梓人續刊以垂久遠自嘆閉戶一經食貧如故而諸君子聚散存亡亦杳不可問感舊述懷聊抒短句

四海名流愛菲才不教棗萼掩蒿萊西窗重檢同人句彷彿清風入座來

年華流水太無情四十悠悠一夢成自笑青衫仍  
故我對牀重感二毛生

嘉慶癸酉歲長夏日少白山人馬用俊自題

題贈續錄跋

二

嘉慶癸酉歲長夏日少白山人馬用俊自題  
對酒當歌重感之手  
中華書局影印



三百五篇中男女繾綣之辭半由寄託惟關於兄弟者雖矢口直陳而緜摯悱惻之思愴然不能自已豈不以至性所流露其入人尤深哉顧獨怪國風十五小雅之材七十四大雅之材三十一其所詠豈無雍容怡豫足以垂勸後世乃循文考序率皆幽憂感慨求其篤於天倫之樂者十不得一二焉豈歡愉之辭不錄與抑說詩者傳守之異與友人馬君愚庵與弟少白居易之橫湖里自先世績學勵行以孝友化被鄉黨君兄弟親承彝訓友

序

一

于之誼彌篤少無宦情口不言阿堵對牀風雨以苦吟爲事其詩皆淳古超潔不爭世俗浮豔而陔蘭之思蓼莪之痛孔懷具邇之好尤長言永歎反覆不能終極久之成鄂鞞聯吟若干卷屬熊飛序之于惟角弓頰弁諸詩雖意在諷諫然休戚相關之情猶洋溢於言表迨將仲子大叔于田之什作天倫之戚仇讎視之不特泛若塗人而已其後兄弟賊恩骨肉不相卹觀上留田孤兒行尺布斗粟之謠雖謂鄭莊一人作之備可也常棣之詩曰兄





鄂韓聯吟集

補遺錄卷高

卷

卷

卷

僕自髻髮受書卽嗜吟咏日與仲氏少白互相  
酬答每進之先大人爲之色喜輒加點竄而錄  
存之旣長遭逢多故未暇從事憶自學語迄今  
十有五載卒於此道茫乎未有所得今年秋輯  
錄先大人遺稿校勘之餘檢點拙作覺屢筆穉  
墨無當巨雅願嘗資老人歡笑之具不忍棄擲  
遂而存之與少白合編一冊云癸亥秋夜愚庵

愚庵初稟

一

剪燭漫記

春曉

雞聲催月殘睡醒未聞鳥攬衣涉小園微茫景趣

好柳線穿露珠松韻傳風篠煙中辨遠山隱隱數  
點小空翠淨如拭嵐光弄幽窈須臾紅日升晴霞  
燦林杪回首惜韶華始覺起宜早

舟過鷓鴣湖有懷鍾簪溪與仲氏少白

晚風逗微涼搖曳進溪榜蓬背日乍沈蘆汀月初  
放及此更沿洄倚舷發高唱林光半霏微水色遠

溶漾伊人渺何處佇立久延望  
四月鄉村好幽居引興長  
繭收松雪白麥捲隴雲黃  
乳燕啼還倦桐花落更香  
何當尋短棹一鏡對方塘

同人宿精嚴寺翠竹居

禪室蕭條短榻橫邀朋習靜坐深更  
風來竹徑螢光亂露濕苔階暑氣清  
翦燭差憐成好會銜杯更喜叙幽情  
翛然悟得無生旨倚枕閒聽粥鼓聲

愚庵初稟

二

送姊

匝月紅閨聚同懷誼倍親橫湖一帶水  
相送又茲辰意爲寧親篤情憐舉案真  
女夔砧響處遙憶曲江濱  
題李能白先生紀遊詩卷

人生戀故鄉徒覺聞見陋何如窮大觀  
意氣彌宇宙卓哉李先生秉姿殆天授  
讀書破萬卷藝苑久馳驟弧矢志復豪  
辭家遠奔走破浪浮長江攫身躋穹岫  
當其縱遊時勝地必尋究放眼生遠情得



意揮吟袖妙筆掃陳腐高詞吐清秀山川助筆墨  
神骨倍渾厚高才邁一時風流洵罕覯嗟余生也  
晚望塵拜恐後三復紀遊詩奇境豁霧縠  
旅夜  
一片秦溪月高堂獨自看遙憐遊子夜衣薄怯春  
寒  
連村花氣弄餘馨選勝東來認舊經水抱孤城山  
抱水風光應不減蘭亭

愚庵初稟

三

登鷹窠山頂

東海之水浮天來洪濤砰湃如轟雷秋風怒捲勢  
何壯石屏一劃濤頭回海上奇峯九十九鬱結千  
年元氣厚就中鷹窠高絕頂孤插天邊孰儕耦危  
崖不獨瞰滄溟疊嶂還堪接星斗我來正值雨初  
晴片片涼雲足下走螺旋而上景屢奇疑有飛仙  
爲招手驚沙倏忽吹層巔青黛明滅斜陽邊山根  
兀立望夫石山脚長流雪竇泉振衣欲下不卽下  
石壁題詩墨痕灑會待霜寒未落千月交重看日

月合璧來山椒  
年年逢此日  
涕淚剩殘痕  
爲抱靡依恨  
難酬罔極恩  
盤飧聊有薦  
口澤竟何存  
欲覓魂歸處  
寒窗月色昏

空單織婦歎如霖風

木棉花白如羊脂  
木棉線軟如繭絲  
東家少婦當窗織  
夜夜機聲少休息  
三更月落漏點稀  
嬌兒不乳呱呱啼  
欲織怕兒饑  
罷織怕無衣  
兩念躊躇奈

慧庵初臺

四

何許拋兒寧不拋  
機梭殘燈挑盡不遑寐  
織成匹布勝綺羅  
蟋蟀在堂歲云暮  
有吏追呼促人去  
催郎抱布向市貿  
換得青錢了租賦  
送吏出門機杼空  
單衣縷縷吹霜風

落梅和王貽青

粉墮姿殘事可傷  
含情誰復立昏黃  
一枝斜處渾無影  
幾片飛時尙有香  
曾記衝寒尋古驛  
最憐搖落散橫塘  
空教檐下新粧好  
坐對風光說壽陽  
飄零幾樹對江干  
偏是春光不耐看  
相狎微吟愁



落莫還扶淺醉興闌珊經年隴首書難得一夜羅  
浮夢已殘好待煙梢重逗信冷雲堆裏更憑欄

悼友

不信來凶問傷心正值春鶯花空勝地雞黍負芳  
辰此日成長別當年擬結鄰墓田一杯酒宿草咽

酸辛

禾中客舍別弟

星散朋交繫別思客窗賴汝共支持如何昨夜連  
牀話又作今朝送遠詩遲爾功名空悵望歸兮杖

愚庵初稟

五

履好追隨高堂若問兒安否莫道精神異昔時

獨夜

捲簾枯坐久攬景意如何野曠煙光淡天空月色  
多閒庭饒水竹古壁隱藤蘿靜極生幽興臨風發

浩歌

家大人命題秦溪釣雪圖

性怕趨炎熱臨流倚釣竿釣惟從直作缺不爲魚  
彈密雪兼天淨孤松耐歲寒寫將清白意貽我子

孫安

宿資聖寺半竹閣

疎簾落落散清陰，獨倚禪房思不禁。  
二月風光遊子意，三更月色旅人心。  
閒愁起處紛難卻，好夢醒時欲再尋。  
記得去年春雨後，杏花樓畔幾登臨。

張節婦詞

鬱鬱孤生桐蒼蒼，千尺柏柏勁枝離奇桐孤音激。  
烈南村年少婦秉性何貞，一結褵未二年夫壻旋。  
永訣衣不完布襦，食不飽糲，覈甘心守空房寒燈。  
夜凜慄曷爲來狂且，乘夜恣凌脅白璧幾遭污踰。

愚庵初稟

六

牆復鑽穴婦顏美如英，婦心堅于鐵，婦志矢靡他。  
婦名益不滅，庭前霜月光照此心皎潔，月缺不重。  
圓霜白不受汨。

丁巳九月十六日成嘉禮先慈忌辰之次日  
也詩以誌感

明月團圓映碧墀，坐看花燭頌齊眉。  
如何膝下逢歡合，正是堂前感別離。  
榛栗方修今日贊，杯圈空憶昔年慈。  
椿庭好善羹湯養，慰得泉臺無限思。





客程迢遞遠山連脩禊間來問澈川  
桃蕊紅含三月雨柳條青鎖一隄煙  
偶攜舊侶成佳會贏得閒遊破俗緣  
勝地不常良讌寂臨風空憶昔人賢

秋山

水落秋山迥長空入望橫煙開孤塔見  
雨霽一峯明黛色經寒斂嵐光入暮清  
郭熙留畫本相對愜閒情

雨後曉坐有懷王虛谷

一夜潺湲雨更闌忽放晴映窗殘月淡  
隔浦亂蛩

愚庵初稟

八

鳴海近秋聲早天高曉氣清知交雲樹外  
悵望不勝情

仲氏授室

鏡月交輝映畫屏家人快覩物華新  
荆庭自昔惟予汝鴻案于今又主賓  
相與有亡同龜勉便隨定省侍昏晨  
畫眉早薄張京兆未必朝來肯效顰

破川早發

隔岸亂雞鳴舟人報五更煙濃迷黛色  
雨急挾風聲帆影斜偏好波流靜忽驚  
天明問前路遙指海



昌城

池亭獨坐

晚雨池上晴斜陽昏欲夕啓窗納微涼頓覺炎暑  
釋亭亭菱荷花香氣染巾幘蟬噪數聲殘月吐一  
灣白境幽悄無言抱膝意彌適誰與耽閒居流雲  
淡無迹

舟過臨平同少白作

夕陽明遠渚巒翠帶浮槎樹密陰無暑荷香葉勝  
花雨餘山色淨風過水紋斜指點安平寺泉清好

愚庵初稟

九

試茶

失巢吟

莫打失巢禽失巢禽最苦哀哀失怙者感之淚如  
雨失巢難再得失怙難再尋爲語路旁客莫打失  
巢禽

熟食日祀先君子作

亦知魂不返插柳且相迎况遍清明候其如生死  
情望殘雲萬里愁斷月三更一種傷心事相看只  
弟兄

小齋前杜鵑一枝先君子所手植花發感賦  
開徧鵑花月滿堦棘人相對動愁思一花一葉一  
行淚曾否魂歸第幾枝

連枝詞

里有闔牆久不釋者作此諷之

韡韡常棣連枝同氣氣盛枝榮氣衰枝悴

維兄

與弟情如手足勿以小忿遽傷骨肉

我視之兄

我視之弟父母視之實維一體

有行人有秉彜胡獨相忘

愚庵初稟

十

無間可乘斯乃永翕

五

燕子本微物巡檐意自傷也知悲舊主不忍宿空

此先君子讀書處也

梁寂寞春風冷蕭條晝漏長相看腸欲斷一室幾

迴翔

秋日偕陳半圭過耕煙山館訪吳免牀先生

叢桂發清香小山帶微綠幽哉耕煙館俯臨澗水

曲主人耽幽棲種學恥徵逐盡出囊中金萬卷購

連屋著述資見聞莫便笑書簞神交十載餘道遠



空躑躅挈伴一來尋其人溫如玉對我揮清琴雲  
深韻斷續秋氣入孤絃蘭言謔幽谷欲去更躊躇  
清音聆未足

兒子碎曰

去年八月四豚兒懸弧期高堂欣撫弄我亦祝舍  
飴今年逢此日空懷風木悲養子知親恩古言不  
我欺

田家秦溪道中

指點秦溪路村幽遠俗諱亂峯圍野岸春浪拍漁

愚庵初稟

上

艸色迎人動花光背口斜客遊神漸倦扶杖憩

田家

夜坐寄徐雪廬

夕陽下西山千嶂忽已暝月色隱高林泉聲咽幽  
徑獨鶴歸何遲羣鴉棲已定憑欄悄無言疎鐘期  
共聽

同張蓋甫樺谷登尖山觀海放歌

清河詞客遊興豪邀我遠來浮輕舸酬遊鎮口不  
快意芒屨踏破窮峇巒尖山高高百仞攫身直

欲凌穹霄懸崖仄磴附藤葛崇巒疊巘追猿狖下  
觀澄海氣森渺萬頃一色飛銀濤東溟高浪忽陡  
立似巨蠓螻騰穴鰲海門指點不可度蓬萊倒影  
三山搖安得遠隨僮侏輩御風踏浪長逍遙釣竿  
披拂珊瑚樹琪花掩映金銀橋蛟宮萬重圍漠漠  
蜃樓一點寒迢迢回顧雙峯小於粟恍隨一片秋  
煙消

客窗聞鶯

曉色熹微客夢迷忽聞鶯囀小樓西憐他似解羈

思庵初稟

十一

人意故傍枝頭恰恰啼

題何東甫先生小山居圖

先生廊廟器翻是愛樵漁擇得幽棲地甘同木石  
居眼空天下士志在古人書一片崑山玉清心孰  
與如

五山先大人諱曰

星絕迭更遷追思痛靡極嗚呼父何往歸魂招不  
得憶昔甲辰秋我母病旋卒時兒甫九齡癡頑寡  
知識寒則父衣衣饑則父哺食出則父提撕入則



父輔翼旣殫撫育勞復勤教讀術丙夜一燈熒爲  
兒詳解悉撫兒旣長大婚娶願纔畢不料秋風至  
父病轉危亟斯時更可憐兒亦染痼疾力疾侍父  
病父復爲兒恤云兒體素羸守身事最急古來善  
事親在心不在力我弟克同心諸惟代兒職相將  
共屢勉奔走治苓朮纏絲半載餘失怙徒號泣生  
養旣不逮顯揚又無口抱恨向終天此心恆怵怵  
哀哉無告民何以冀成立

涉園晚步

愚庵初稟

三

向夕尋名勝天空景倍幽雪松臨澗澗風竹倚危  
樓徑曲寒香合巒深遠翠浮躋攀豪興在步月更  
遲留

共賦胥川舟次

胥川橋畔遠山橫翠接田疇入望平兩岸啼鶯時  
斷續一溪流水自澄清春從芳草堤邊盡人在斜  
陽浪裏行向晚徘徊情未已興來吟雜櫂歌聲

眼着坐月照

一天露暖川原千里香飄荷芰水邊涼月生初林

下幽人睡未

秋夜書懷和胡豫波韻

風葦蕭蕭動碧漪  
涼秋夜色不勝悲  
松陰滿地月  
明裏山翠撲檐雨  
霽時乘興桓伊常  
弄笛多愁阮籍  
獨吟詩傳來絕調  
難爲和展向寒窗  
自繫思

愚庵初稟

古

露濕香篝書來強  
懶鱗味爽向寒窗  
自繫思  
恨裏山翠撲檐雨  
霽時乘興桓伊常  
弄笛多愁阮籍  
獨吟詩傳來絕調  
難爲和展向寒窗  
自繫思



僕幼承庭訓從事聲律之學者有年歲癸亥會  
梓一冊第多淺率可存者絕少自癸亥而後死  
喪既平家庭無故日與予季少白晤對賞奇析  
疑若以兄翁而兼朋友者雖撫躬自問學無寸  
進然視癸亥以前境遇迥殊而詩亦爲之一變  
矣嗟乎上下四五年間前後如出兩手境以情  
遷乎抑情以境遷乎留此詩以驗後之所作又

愚庵存稟

不知其奚若也爰編次以存之丁卯夏日愚庵

揮汗漫記

歡客至

江村秋欲暮落葉已紛紛此地誰爲伴今朝獨見  
君空山雨初歇高閣日將曛共擬離塵世逍遙臥  
白雲

鬪蟋蟀吟用韓孟鬪雜詩韻與仲氏聯句

蟋蟀當秋生殺機潛相待偉乘時旣剛強得氣復

耀彩俊蟲客趁游心搜羅幾盡殆偉誰知草莽中

而有將軍在

俊

奮力猛於虎振羽銳於鏃迎風來

砌畔決勝登爽塏

偉

未聞聲唧唧陡覺氣磊磊爭

心一以萌鬪志老不改

俊

秋深翼轉輕粒飽前茅

醜臂笑孤螳撐腹較怒龍倍

偉

敵手此夕逢同類

相殖醞寧論枉與直一往色無餒

俊

進退憑寸草

逞機巧以給始於秋之孟終焉月在亥

偉

可憐瞬

息問立判功與罪局中氣自揚觀者汗欲浼

俊

鴻

毛輕此身為人博重賄人生斯世間功業樹四海

偉

惜陰苟有心為學戒無怠胡以昆蟲嬉心力轉

愚庵存稟

二

礪乃

俊

竿頭肆侈奢簇花為翦綵壯也寧憚勞歸

與虛奏凱

偉

成敗託斯蟲腹中多磊隤作俑始何

人懲風賴賢宰良士樂無荒唐風殊足採

俊

橫山矇叟歌為采田先生作

橫山山下雲朦朧耽高隱者棲其中逋翁一去渺

千載至今復覩矇叟翁先生有才邁流俗搜羅千

卷藏心胸惜哉一病二三載片雲忽掩雙青瞳著

書尙抱左公癖審音還似師曠聰興來揮翰捷於

掃淋漓滿紙蟠虬龍乃知目盲心益朗境歷奇窮



學不窮嗚呼逋翁之逋矇矇上下千古揚高風  
世上紛紛青白眼如盲如瞽誰知公名山奇士兩  
不朽側身遙望青巖崑  
正喜年華是杖鄉誰知南極隕宵光羊曇怕近西  
州路華屋山邱總斷腸

嗟予陟岵悵靡瞻孺慕無由訴九泉此去高堂如  
問訊憑將哀怨致纏絲

寄幽居

愚庵存稿

三

浮雲撥盡暮天開一望園林淑氣催對夜月如佳  
客至坐春風似故人來兒騎竹馬閒同戲僕借奇  
書出未回自愛幽居無俗事小窗翦燭句新裁

晚風中湖塘晚步

晚風吹波面圓紋泛小綠踏青中湖塘一徑繚而  
曲是時雨初霽烟翠濕深竹幾點隔浦山空明豁  
遊目日冷山上松雲飛山下瀑生平好遊念半爲  
塵埃縛及茲拋俗緣名勝窮躑躅殘霞海東生暝  
色上林麓歸鳥弄好音落花散清馥臨風發浩歌

逸韻徹空谷  
登雲岫寺

危巒天半起絕頂寺門開避俗無人到探幽有鶴  
來花圍新佛地草擁舊香臺我欲耽禪寂行吟夜  
未回

山由永安湖至澈城山  
山水蒼茫路向東寒雲入望晚溟濛四圍巒嶂環  
城外一徑桑麻雜市中沽酒小亭春草綠賣花深  
巷夕陽紅連村機杼聲聲徹彷彿仙源畫裏風

愚庵存藁

四

采茶辭

春山穀雨濛濛曉出門采茶須及早茗田一夜破  
春雷雀舌抽萌看總好相呼女伴雙髻了鬢邊齊  
插山桃花攜筐笑入半山去青林遠近春烟遮去  
年雨少茶芽苦今歲茶甘足新雨旗槍嫩綠初摘  
來上品端宜獻官府采茶漫說是閒遊南北山圃  
烟翠浮不異蠶孃共辛苦采桑陌上聽鳴鳩

憫雨

黑雲亘長天浹旬雨不絕舟行出橋面魚游入門



闡瀕海萬千畝半爲蛟蛇穴出門一以眺高浪正  
突兀下田水齊腰青秧漸已沒高田苗乍生築版  
護周折俄頃雨大作一望盡衝決水涸勢可待秧  
沒憂倍切搔首視蒼天烟霧仍凝結  
去歲蟲賊災比戶艱粒食今年商羊舞乞晴苦無  
術頻年災洊至米價漸騰越斗米四百錢仰屋空  
歎息粃糠食且盡終日爨烟絕東家鬻其兒西鄰  
號於室骨肉多化離軀命倩誰活救荒非無人難  
起瘡痍色引領望有秋庶幾補萬一

愚庵存藁

五

愚庵游園同古田從兄作

湖流澄徹四時春三面青巒列水濱到此風光真  
絕勝坐來心地喜無塵濃烟暮濕隄邊柳空靄晴  
涵鏡裏人回首六橋游興在惜隨殘照返城闌空  
去歲武林僧舍喜晤徐雪廬  
昔君客乍川攜屐曾相見岑苔協臭味魯魚共研  
鍊浮雲一爲別流光似激箭重逢苦綠慳夢寐深  
眷戀今秋來吳山曲徑恣遊玩嵐光列翠屏溪流  
捲素練一聲清磬中與君復覲面落葉靜閉門疎

花香到硯對我色欣欣別我意眷眷予家濱橫湖  
蘆荻滿秋岸門鮮可語人撫懷聊自遣何啻卜比  
鄰來往共歲晏

中秋夜號舍對月放歌

澄宇夕初霽鏡月光徘徊硯池露白瀉清影茶鎗  
烟淨無纖埃貪看光景惜良夜何用感栗聲相催  
眼前無長物手中持一杯上邀月中桂子天香落  
下澆人間彩筆心花開榜雲步月意超忽此身恍  
惚凌蓬萊淋漓劇飲還起舞斜輝蕩漾侵衣來打

愚庵存稿

六

頭不嫌矮屋小高歌意氣自雄恢  
枯樹灣訪何春渚先生不值  
暮色涵波淨舟行興自閒秋隨殘葉到鳥逐亂雲  
還無賦題枯樹留詩綴小山伊人渺不見寂寞出  
柴關

八月十八早起登大觀臺觀湖有作

秋氣逼人眠不寐攜筇步月來山巔山靈知我游  
興好故遣松風作前導一峯陰雨一峯晴大觀臺  
畔翠如掃是時雲淡天未明蒼蒼四野無人聲一



線江濤遠飛起銀光百折聞砵望中雲夢吞八  
九翻倒銀河轉星斗洶洶高勢山欲崩渺茫水府  
神靈走須臾聲從靜裏消秋蛩嘖嘖天沈寥徘徊  
欲下輿未已還坐江頭聽晚潮

期吳榕園查棧史吳山探桂不至  
危崖點秋色叢桂舒仙姿悠然坐樹底寂寞憶所  
知自昔分袂初爲此山中期繾綣風雨約所盟良  
不移浮雲遠遼邈惆悵來何遲寒香半彷彿黃雪  
遙迷離落日掛林杪轉覺行人稀重吟招隱曲聊

愚庵存彙

七

寄長相思

野泊

野橋村市幾經過載酒尋幽意若何楓葉紅邊人  
跡少蘆花白處雁聲多山雲漸釀濛濛雨溪水初  
生淺淺波爛醉那知塵世事但逢佳景輒高歌

過嚴瀨謁子陵祠并拜謝臯羽墓

青山遠崔嵬高聳白雲裏綠水互縈紆清徹桐江  
底客星隱江河披裘樂終始清節垂千秋有客繼  
芳趾灘下泉滔滔灘上石齒齒西臺數行淚流入

釣臺水不見故人來祇痛故人死至今三月墳終  
古傍高士維舟薦渚蘋肅然想行止漢宋幾遺民  
巖扉弔山鬼

宿王氏紅樹村莊

滿庭紅葉散空林一榻高設意氣深明月到門清  
似水白雲對我沒無心囊空尙有詩堪貯客倦猶  
餘酒共斟坐向寒燈秋思動隔階靜聽草蟲吟

廢墓嘆

瑣城東畔誰家墳夕陽碑碣橫荒村草間蟲鼠涖

愚庵存稟

八

色古鼯鼯啼破蒼烟昏路傍野老向人語此墓纔  
經百寒暑當年下葬極紛華石麟翁仲爭排序鑿  
池聚土費經營術士指點出公卿公卿不出術士  
去蔓烟慘淡悲風鳴子孫零落祭掃廢空作他人  
牧羊地春露秋霜幾度侵一旦墓崩露棺樁吁嗟  
乎人間富貴浮雲浮世事真如水上漚身前且進  
一杯酒身後何須土一杯

冬曉感懷

殘年貧病幾相催寂寂柴門曉未開院外風聲驚



夢醒林端曙色帶寒來  
可堪避俗無長策  
猶幸投閒學散才  
疏食布衣聊自足  
寄聲燕雀莫相猜

倪蓉坡先生雪中過訪

村居寂寞與誰諧  
掃雪迎賓致亦佳  
地稱幽棲除俗累  
天留清景暢吟懷  
紙窗竹榻參差列  
漁唱樵歌次第排  
有約前村探梅去  
隔年準備筍皮鞵

春寒自題一簣山齋壁

寒潭一曲淡烟遮  
獨倚危欄玩物華  
空翠欲飛窗外岫  
小紅半吐雨中花  
芳春客去鶯啼樹  
靜夜門

愚庵存稟

九

開月到家最是綠陰濃  
淡裏閑閑十畝繞  
桑麻

寒早春偕素清上人紫薇山游眺

春寒花未開空靄滿  
青嶂挈伴來  
薇山和風頗淡蕩  
啼鳥似迎人一徑  
弄輕吭怪石穿曲徑  
磊落難具狀  
烟開孤塔見雨霽  
平野曠流聞白居士  
曾此費遊網遺蹤  
渺何處弔古增感愴  
斜日山半陰  
隔浦聽樵唱

薇山吟榭賦贈陳半圭張蓋甫犀谷

斗室耽幽寂  
風流迴絕倫  
橫山雙妙士  
新阪一詩

人訪古留仙跡

葛洪丹井

參禪掃俗塵

惠力禪院

同堂欣賞

處相對不勝春

破石舟歸

塔勢凌空翠泉流落澗沙迎風新燕子映日小桃

花名愧張三影才輸溫八又倚篷念身世失計負

桑麻

古田家

力田復力田治生得其要富貴不可求不如從吾

好當春理耕耘因時備旱潦圳水東西流平疇明

愚庵存豪

十

落照向夕驅犢還妻子相慰勞因時任循環觸境

領其妙

綺雲石歌

并序

乙丑春客有持硯山贈余者環峰迴繞有

織錦羅綺之致因名曰綺雲用元遺山英

雲巖詩韻作長歌紀之

紫薇道人學鍊顏天台道上時往還歸來款門一

訪我袖中攜出玲瓏山云此得自雁宕底峻骨蒼

寒守山鬼贈君閒供几席間相對歡然顏色喜有



洞時飛文浦烟有谷慣沾青泥髓不雕不琢渾天  
成小中景物具千里古落凝碧迷空嵌案頭漠漠  
開烟嵐與深欲奪風篁石凌峭不讓英雲巖興來  
一笑思禊祓臨風攜向香湯沐奇哉一片綺雲綺  
海岳庵中無此物閉門看山氣象尊臥遊恍接餐  
霞人區區片石何足貴貴敵三峰匹七真

書施少峯紀哀詩卷後

春露秋霜歲月多淒然撫物恨如何一編吟灑臯  
魚淚天下傷心是蓼莪

愚庵存稿

十一

回頭我亦痛終天展卷燈前倍黯然誰說雜烏能  
返哺聲聲啼不到重泉

雨後招王貽青徐鈍甫吳榕園家仲少白集

賢人二吹艸堂分賦

招得良朋續舊盟賞心樂事一時并花緣媚客常  
含笑天爲留春特放晴隔浦鶯啼高下樹繞梁燕  
話去來情東風似解詩人意扇出微和滿座清

爲吳槎客先生賦仙井幽探圖

井在藏山憲  
寺樓下

青青松柏路一徑市塵隔攜屐入深林恍與武陵

接傳聞葛穉川燒丹此中宅霞騰寶鼎翠火熬藥  
爐赤竹窗幽戶開雲氣走虛白迄今百千年堦沿  
寂無跡渺渺丹井中紅泉漱白石石上樓何高樓  
遲合騷客新藻灑芙蓉幽情涵石壁訪古來山根  
黛色凌秋碧月照澗底花風動嶺頭柏微吟東坡  
詩

東坡云葛洪川畔待秋深

慨焉忘朝夕

陸少白以於斯閣詩見示率題短句

三復新詩卷天然見性真有才堪絕俗無語不驚人  
花月隨時好風雲滿眼新笑他聲利客底事逐

愚庵存棠

三

征塵

次采田先生感秋詩韻

荒庭雨後長藤蘿攬景蕭然意若何烟翠暗浮三  
徑竹粉紅冷墮半池荷秋當獨夜淒清甚人到中  
年感慨多贏得貧家無別事筆牀茶竈一生過

塔影湖汎月歌

涼秋八月山娟娟攜舟往復塔影之湖邊塔影射  
湖湖印月月光倒翻湖底天開筵坐對幽境朗碧  
空如洗霜華妍灘流明滅清光碎杯酒滉漾素影



圓平生愛月具真癖功名富貴非所憐對景竊慕  
廣寒子長年伴月蟾宮眠風光滿眼照泉碧松聲  
爲拂膝上絃琴罷月落我徑去塔影送客東峯巔  
同王伊人過虎溪山館與陳奉弢語舊  
疎雨滴空林殘暑猶未釋偶攜同心人城西訪騷  
客淺淺虎溪水淡淡涵空白林蟬不斷聲秋思紛  
以積惜別意纏絲相看感萍跡

掩跡

不將風景怨蹉跎掩跡邱園獨寤歌四海交遊隣

愚庵存稟

三

我少十年兄弟著書多門開深巷依楓橘人立斜  
陽戀菱荷不是秋成今有穫避喧先怯吏催科

曉登報木院塔

輕寒逼孤枕水宿起常早琳宮月初落緩步恣幽  
討層層窄堵坡突兀立雲表攬身接空曠決皆快  
清曉殘星掛天邊疎鐘出林杪朝旭八窗赭東望  
一輪杲鐸鈴語天風下界聲尙悄長嘯憑危欄格  
磔起棲鳥

東湖夜發

寒雲拂平湖萬頃俯一碧波底見月光莫辨水天  
色沙鷗互浮沈漁火遠明滅感茲風景殊回首歸  
思積一葉掛輕帆清夢落蘆荻

水國留鬢

漸覺容華改鬢髯自此新臨流還自笑不是少年  
人曲盡離情香篆雪盡寒梅瘦吳興思也心亦懶

白雲三十

三十成何事懸弧又此辰梅開花底臘酒熟甕頭  
春嘯咏原多趣疎狂但率真回思生我日地下泣

思庵存藁

古

雙親

三十踏雪紫雲村訪梅

白雲斂空山杳靄隔深路行行逢古梅杖策復緩  
步曲磴暗浮香霽雪遠凝素境異眼忽明心清神  
欲赴離離樹梢雲花光莽迴互此中淡無夢有夢  
亦同趣

思庵元日贈內

爆竹更殘報歲終朝來淑氣滿簾櫳鳥聲和我長  
吟後春色宜人半醉中爲望年豐欣見雪都因米



貴怕舌風衰門賴汝能支柱隨分情懷到處融  
業久不得窺溪消息  
春雨春風阻道周劇憐君病未全瘳白居士不妨  
禪坐宗少文常作臥遊敬枕閒翻書萬卷思親遙  
望自三秋邇來定有驚人句何日詩筒向我投  
論山如論文奇極乃凌隋苟非靜者流誰與窮幽  
奧余生拙俯仰泉石心頗好所憾居無山春秋負  
登眺偶獲石數卷疊取勢竒篠自此小庭中天然

愚庵存稟

五

闢靈妙空翠檐際飛濃烟砌邊繞傍砌疏小池涓  
涓通一竅洗我面目塵冀與山靈肖

論山秦檜齋僧編

格天之閣高巍我長腳太師黑業多贊成君愿和  
議定彌天毒醖流恒河六州聚鐵鑄一錯岳家父  
子埋風波晚年尙欲舉大獄盡傾忠直留姸嬰神  
奸不畏冥譴追天怒人怨叢譏訶思以佛力懺惡  
業竭來古剎齋頭陀大千世界粟一顆欲遍夷塞  
千優婆花宮尙有錢釜文如五石瓠平不頗堊成

坎窞近竈竅想見香積炊瓊禾苾芻千指免右袒  
伊蒲饌設來婆娑不徒供養及迦葉直欲關節通  
閻羅更聞金仙善幻化瘦權癩可行傴僂當頭一  
一作棒唱歷數罪狀無差訛是時國勢日陵替大  
權倒授持太阿金牌計議貽社稷金甌破缺紛千  
戈頤指上下若虺蝎顛倒忠佞如風魔威權至竟  
亦何用悔心晚矣事羯磨冤魂百萬暗拍手弭災  
枉用崇釋迦奸邪骨朽物不朽留傳直比銷金鍋  
銅花斑斕釜烟黑逝欲碎擊沈盤渦昨年湖上岳

愚庵存藁

六

王墓松陰鐵像身忽銜行人掬擊歲月久遂令軀  
幹如削剗毀海盜兵快重鑄依然屈膝當苔坡此  
鍋曷亦付鎔化秦頭太重罰豈苛庶幾忠魂慰地  
下人心共快理則那况復六陵玉盤出宋宮荒草  
埋銅駝西髡楊瓊恣威虐非檜遺禍將云何齋名  
雲水真一轍後來尚有賈八哥

西湖花月夜

人生花月最關情惜哉二美難兼并矧茲西湖好  
風景六橋香霧春宵晴花光月影邀遊客如此風



光肯虛擲平波倒影搖亂紅曼浪翻空湧虛白有  
酒且斟花前杯有句且吟月下詩今日花開明日  
落今夕月盈明夕虧韶光易過人易老香山坡老  
跡俱杳一年好景難常逢行樂如何不及早

自臨平抵家

茅舍疎籬已晚炊臯亭山下獨歸遲夕陽紅送征  
人騎黛色青收野店旗養拙已甘鋤菜老薄遊偶  
值看花時到家兒女團圞坐篝火從頭話別離

虎嘯亭

愚庵存案

十七

地僻落封徑橋迴水繞溪空亭傳虎嘯野衲類雞  
棲雲樹重加密風帆遠漸低憑欄還弔古芳草綠  
淒迷

省墓

暮色蒼茫接地陰終天回首淚沾襟趨庭空憶當  
年訓省墓徒傷邇日心月落三更烏鳥恨松迴一  
徑白雲深此身不及山頭土常護風霜雨雪侵

橫湖權歌

并序

橫湖爲吾邑西區之勝雖廣不數頃然雙

汀明滅遠山隱見風景有足娛者予家湖濱遇花晨月夕輒偕二三朋好櫂小舟載酒閒汎波涵明鏡橋落彩虹不啻置身雲山烟霧中也顧里乘所載勝景缺如而前輩名流過此留題者亦甚罕維竹垞櫂歌有日長愛櫂橫湖舟之句乃效其體賦絕句四章聊以志其風土云爾

澤畔行吟興不孤魚梁沙淺狎輕鳧瓊城風景真如畫萬頃田原十頃湖

愚庵存稟

九

芳草湖墩翠靄勻柳鶯如喚畫眉人儂家正喜初晴後新漲桃花滿眼春

鷺鷥橋邊鷺兩行鴛鴦橋下宿鴛鴦阿儂羨煞雙雙好笑指中流卸晚妝

遠山綫鬣接雲低招寶塘前日色微一路鼃聲鳴野岸送郎帶月荷鋤歸

題陳半圭耕養圖冊

西疇烏催耕北堂烏返哺返哺情旣深催耕時弗誤新阪陳先生事親耽孺慕筆耕二十年負米厯



艱苦奉檄豈無心躬耕且行素出歌大田詩入補  
南陔句一犁烟雨中春暉涵和煦兒童繞膝來雞  
黍滿眼具母子樂融融頗極田家趣予亦志力田  
欲養悲風樹披卷轉黯然爲君致喜懼時哉純孝  
心勿使日云暮

丹井山房懷舊

張蓋甫曾  
讀書於此

自失薇山友詩盟悵久寒不堪生死痛仍作別離  
看對楊悲前夢臨淵感逝湍西風吹夜雨淅歷度  
林端

愚庵存稟

九

秋花次張船山先生韻

清馥依然繞坐隈臨風欲折且遲徊秋從黃菊籬  
邊到入向白蓮社裏來三徑陰深天欲暮一簾露  
冷夢初回誰將初日芙蓉致寫出當年謝客才

褚涇訊邵子兩童溪

爲愛幽居好晚來鼓泄尋落花香到地歸鳥暝投  
林酒汎碧瑤杓人攜綠綺琴流連無限意不覺日  
西沈

張耒未屬賦時少山方壺歌

八甄詩人嗜古兼好奇珍藏異物及茗瓷茗瓷製

作誰最美後有三大

陶肆錄云壺家妙手稱三大蓋謂時大少山及李大仲芳

徐大友

前四子

名陶錄云時鵬一作朋蓋少山之泉也父與董翰趙梁元暢俱善製壺號

四名

就中時大更入神眼底直欲無龔春製出茗

壺作方體偕翰墨爲席上珍器崇古樸篆深刻二

十八字羅星辰此器合供端士用節角儼然大雅

重邪士行妨未許看俗人嗜癖烏容捧規方法地

物不磨破觚爲圓心則頗負才不遇無可託手藝

傳與人摩挲柴門流水新篁綠砂銚竹爐互芳馥

愚庵存稟

三

縱遲名勝蜀岡遊古物在前看亦足

不過乍川同伊葭村徐雪廬飲朱雅山山館

乍川流潑洄山色隱城隍一權烟中移歡言覓舊

雨故人喜我來款洽具雞黍酒酣興亦豪忘形倒

賓主我輩山水心冷落孰可語飲罷海風生颯颯

昏亭午

乍川風阻寄仲氏

水國天無際行程阻石尤濤聲烟外起蜃氣望中

浮異地難爲客孤舟易感秋可憐霜鴈隔何處寄



離愁  
送竈詞  
臘月之暮祀竈神焚香呼燭景色新主婦洗手薦  
湯飯主人虔拜酬神恩紙錢灰飛北風起神車恍  
惚翔青雲玉墀謁帝儻見問憑神功過次第陳窮  
愁所好在詩句筆墨之外多因循就中一事差自  
信隻字不墮綺語塵萬一能邀天帝鑒但使年年  
清健長守貧

春興

愚庵存彙

五

捲簾枯坐漏聲遲漫向東風寄所思未有室家憐  
弱妹愧將詩禮問嬌兒棲身不爲浮名縛作事何  
妨薄俗嗤掃地燒香殊自得樂天知命復奚疑

自題鄂鞞聯吟處傲香山體

鄂鞞聯吟處怡怡笑語溫無親歡菽水有弟伴晨  
昏聽雨閒敲句看花互倒樽天倫饒樂事難與外  
人論  
鄂鞞聯吟處乾坤一敞廬狀留今夕話架擁舊時  
書繞戶山無恙滿庭草不除弗諉堪永矢同此樂

閒居  
將進酒  
我笑瞿塘賈萬里事奔走我哀薤露儒窮年老窗  
牖縱博名成利祿榮幽閒何似山中友山中友人  
一杯酒此中歡樂人知否功名富貴不我求獨把  
清樽開笑口世路雨雲任翻覆壺中歲月自長久  
君不見楚客獨醒空自傷劉伶一醉復何有

田園漫興

竹扉開處好家鄉綠水當門草沒場最喜雨晴春

愚庵存稟

三

滿眼荳花香雜菜花香

燕

社公雨霽正芳辰燕燕子飛覓主人綺閣簾開催  
夢遠烏衣春去話愁新重來認壘真如客看到呼  
雛轉憶親回首風光應自惜棠梨寒食草如茵

五日秦溪觀競渡

龍舟游戲趁重午秦溪水邊看競渡溪流澄淨烟  
平鋪遠近風聲雜簫鼓采旗掩映琉璃堆拍手一  
笑蘭橈回大船小船競馳疾龍神鏡底歡顏開流



波倒濺珠錯落鳧鷖羣向波間躍倏忽雲生山雨  
來翠羽鮫綃紛綽約沙頭獨立感古今極日烟波  
浩淼深三閭往事已消歇獨醒不醉誠何心

鴛鴦湖晚泊

一鏡湖流淨涵虛混碧空人來烟雨外權入芰荷  
中溯浪魚吞月穿林鳥避風前途尋放鶴樓下繫  
孤篷

丁卯季夏編存聯吟彙畢率題二絕答仲氏  
夫核樹下聯吟咏知已無如我二人問否玉溪好

愚庵存彙

三

兄弟可能容我步清塵  
手刪手訂不嫌頻行卷編成歲月新他日人傳丁  
卯集錯將仲晦認前身

中閩弟庶容良察慈息數風前  
一論遊說筆端重馬善空人來  
登嶽湖湘記

嶺森對三閭  
來帶  
楚辭  
楚辭

曩於癸亥丁卯之間曾刻拙稿二卷問世維時

去庭訓未遠與仲子少白閉戶聯吟未敢徵逐

曹好自時厥後交遊漸廣筆墨所到皆不守一

格加以年齒逾壯多兒女累窮愁詩境大異疇

昔卽二三舊好亦復聚散存沒飄忽無常維兄

弟怡怡自幸依然無恙耳對牀餘暇取近稿釐

定什一付諸梓人所遇無故物焉得不速老時

愚庵續稿

一

一披閱感此二語輒惘然者久之癸酉春暮日

愚庵禊餘漫記

擬古

盧家婉孌姝憐春春何早夜拜滿輪輝朝看雙宿

鳥自憐年少時所恃容色好秋風年復年形與心

俱槁昔爲園中花今爲路旁草路旁草多露行止

慎自保

日暮秋風至薄寒侵空闥一燈光黯淡有夢闕翠

帷君如水東去妾如日西馳形影不相及萬里長



相思自念結髮初攜手期同歸努力語春風莫忘  
花好時

楊維聰畫魚

人風雨其

有魚掉尾作人立破浪排雲水風急望中烟霧疑  
有神海濤萬里爭騰奔青天濛濛夕陽暝一筆掃  
盡波萬頃天池雨到龍門開頃刻地底轟春雷酒  
酣諦視還相語破壁恐化蛟龍去

山林田行投林墅邨有作

白日沒西崦寒雲依客襟隔溪度漁唱別調寄瑤

愚庵續稿

二

琴鴉雀連邨噪桑麻一徑深風光好如此何用入

山林

將至武林塗中逢仲氏卽別

兄乘一帆去弟乘一帆歸帆影中道合形影權相  
隨謂弟乍嬰疾手足難遽離欲行行不得欲歸歸  
無期徬徨烟水際悵悵迷所之人生重離別况當  
疾病時天晴尙愁人風雨尤凄其

萬峯山房訪小顛上人

踏月訪僧寮滿地青松影柴門敲不開老鶴眠未

醒

路轉峯抱溪葉落草鞵響不見打鐘人經聲出方丈

弔于忠肅公墓

明英宗時朝政替洪宣老臣多播棄闖奴乘時竊國權遑問邊疆脩武備一朝寇起居庸闕天子蒙塵不復還罪首不誅衆益憤微公何以端朝班六軍倉皇咸失伍戮力惟聞郭忠武得君喪君注豈孤社稷功何殊牧圉當時奏議盈朝中非遷則和

愚庵續稿

三

謀僉同力排衆議邦乃靖天爲明祚存孤忠時平寇退鑿輿返嗚呼誰念公之功鷺鷥謠起猶鸛鶴東市朝衣嗟太酷二字讞成西市寃奪門功就風波獄我尋墓道來西湖古木蒼蒼枝未枯笑他徐石封侯輩坏土曾留片碣無

題戈韞石北溪圖

蒹葭隔秋水一望烟波潤有客耽幽棲移居傍深澤澤畔半畝園梅花點波白霽月過橋來點綴太古色石瀨響窗楹溪雲濕巾舄一枕水雲鄉夢與



鷗同適

回首空自憐支離獨立笑東風

桐華館分賦

難得心知聚一堂談詩賭酒興偏長好從舊雨聯  
今雨翻覺他鄉勝故鄉籬畔霜催殘菊老嶺頭風  
送早梅香相逢不易還分手回首雲天正夕陽  
徐壽魚自東郭過訪迷津而返有孤邨橋斷  
不逢人之句見投酬以斷句

長笛聲中獨倚樓蛩吟四壁送離愁東籬無恙黃

愚庵續稿

四

花好辜負西風一段秋

寄呈華秋槎先生時僑居湖上德生庵

蒹葭浥露冷蒼蒼翹首西風別恨長三徑未歸陶  
靖節數椽高隱孟襄陽湖添新水綠當戶雲擁好  
山青過牆爲問幽居清絕處可能容我共相羊

歲暮

艱難幾度歷年凶百計無聊歲又終作客身如浮  
海石息機心似信天翁未能諧俗聊耽隱不慣求  
人且固窮回首生涯空自惜支頤獨立笑東風

偕王伊人弄珠樓坐雪

有客買棹攜樽壘東湖湖畔同探梅滕六肆虐何  
太酷凍勒南枝化寒玉推篷曉起睜吟眸狂呼拍  
手登珠樓窗開四面失山翠啄枝青雀爭啁啾湖  
光瀟森斷征席極浦漁舟隱蘆荻大千世界水晶  
宮萬頃琉璃同一色參差粉堞依城隈鐵笛無聲  
春欲回鱗鱗萬瓦炊烟起此身悵未離塵埃須臾  
雪止天寥濶北風送歸意超忽與酣擬續秉燭遊  
冷嚼梅花守寒月

愚庵續稿

五

新春過西湖客邸晤何曙昇夢華

如畫湖山憶夢曾到來况又得詩朋梅花犯雪半  
含蕊港水入春還帶冰好趁新晴重蠟屐劇談舊  
事記挑燈日斜忽漫掛帆去吟對東風愁不勝

續橫湖權歌

水閣妝成曉鏡窺雨晴到處總相宜蓼莊橋畔添  
新漲南墨池通北墨池  
十里青青金粟山朝來烟翠壓雲鬟與郎打槳東  
南去一曲秦溪灣復灣



惜花詞

嫩寒簾幙人聲悄花落滿階紅不掃昨夜園林細  
雨過惜花早起先啼鳥檢點芳枝不忍看十分花  
事九闌珊花開曲記深深譜花落春難緩緩還金  
鈴乞得春陰護杜宇聲聲喚春去別有傷心花不  
知美人才子同遲暮

悼王伊人

憶昨攜君手同作東湖客醉墨潑淋漓新詞題素  
壁風雪雖載塗豪遊意頗適判袂纔淡句我又訪

思庵續稿

六

君宅知已聚二三看花展茵席君時尙康寧笑談  
娛永日不謂暫時離遽爾死生隔寒燈耿西窗彷彿見顏色

伊余耽韻語酬倡心寡知衡宇咫尺間就君質所  
疑君年長以倍藹然真我師時時袖一冊剖析判  
醇疵廿年金石交忘分率坦夷杯酒欣會合風雨  
消離思嗟君長已矣誰與同賞奇遺編尙可輯庶  
慰平生期

買秧行

高田低田飛白鷺隴上新秧綠無數開耕不到十  
日功積潦未退新漲衝平疇搖蕩水雲裏稻苗爛  
盡生蒿蓬補瘡剝肉呼儕耦重買新秧日奔走青  
秧搜盡搜苗秧時有於高圩已插田分二貫青秧  
插一畝辛勤救得田園荒回頭老婦無衣裳不見  
邨南賣秧者籠錢買醉日日狂沿邨徧貼青苗行

待月廊散步

秋來寂無事常與月相期林影疎如此宵光望轉  
遲露螢烟際閃風籟靜中吹獨對一樽酒披襟醉

愚庵續稿

七

不辭

貞孝行爲吳縣貞女王素孝子王如松作

茂苑山穹隆平江水清溜中有貞孝人卓行傳萬  
口貞女不嫁孝子奇系出瑯琊名族後早年失恃  
嗟零丁賴有嚴親未白叟那堪父復中年亡空籲  
蒼天冀黃耆女有兄耶女曰無女有弟乎女曰有  
姊長弟弱勞恩勤幸得生成覓佳耦女聞搖手言  
謂弟曰否否古有齊女嬰我豈不知某忍舍天親  
說字人終身誓不爲人婦弟聞姊言大歡喜事姊



長如事慈母弟名隸官府抱贖堂下走公正心所  
甘賂賄義不受長官苛政奈如虎教斂民財工擊  
陪弟乃泣涕歸鬱鬱還自咎嚴刑之下志寧隳命  
畢朱絲誓不苟遺孤甫二七純孝生非偶救父莫  
及啼向天痛父摧心血兼嘔父死不復生兒生亦  
奚取可憐相距一剎那父子黃泉重聚首女悲爺  
姪慘淪逝亟撫餘孤肯相負只哀死者覆盆冤持  
牒屢陳歲八九奇冤竟白天日開忽遇閩中賢太  
守愜情達大吏大吏請朝右天家郵治貞孝重

愚庵續稿

八

鉅典旌門恩獨厚烏頭綽楔闔閭城姓字雙懸  
射星斗賢太守誰大馮君得附貞孝傳不朽

古春洞天悼梅

獨立荒亭惆悵頻壓簷不復一枝新溪山無恙空  
流水琴鶴依然失故人憶昔風前曾索笑至今月  
下獨傷神攜樽他日對殘雪孤負洞天歲歲春

遊瓶山贈許道士瀟客

尋幽逢羽客引我入松關一徑白雲護滿庭紅葉  
斑秋山詩骨瘦潭水道心閒竟日焚香坐渾忘塵

世間論又難斷不說天將疎一貫則實自爲卷  
春水劉瑞圃招同徐雪廬陸野橋諸君子雅集卷  
前平勺園作圖記事因題其後詩中詩題數更  
飛翠凌空帶暮烟小園風景轉悠然月明喜值宵  
三五客到何辭酒千古鼎烹茶經共著寒燈下  
榻話常聯披圖愧我遲同席題句遙傳尺鯉篇

春來枯坐意何如靜對東風感索居嬌鳥啼殘新  
霽後好花香在未開初論心難得真知已醫俗惟  
應苦讀書小隱橫湖隨處好行踪真箇混樵漁  
三五三月三日邀同人集鄂鞞聯吟處賞常棣花  
前年花開雨冉冉去年雨晴乏詩伴花開幾度負  
春光樂事良辰今始選吟館一株常棣花葉葉風  
前作偏反穠葩不妬夭桃紅一片明霞自舒卷丰

愚庵續稿

九



姿淡蕩殊有情頗耀千人萬人眼花開端合布瑤  
席煮筍邀賓須折柬風流擬續蘭上里觴咏何須  
定檀板爲憶先人手植初我尙垂髫樹亦短空憐  
我長樹成林回首春暉去莫纂花前笑酌金叵羅  
醉倒佳賓歸緩緩酒闌詩就客欲去花露沾衣立  
階薛語花花笑更語客來歲花前盟再踐

薄暮

薄暮掩柴扉陶然把一卮徙薪愁婦拙索棗任兒  
癡靜待月當戶閒看花滿籬一春書久度園景日

愚庵續稿

十

頻窺

讀碧窗女史琴韻樓遺稿

世已無才女天猶不愛才撫琴思逸韻展卷動餘  
哀薄命生留憾芳名死未灰碧窗今夜月仍照夢  
魂來

題施少峯涉江采芙蓉圖

澄江秋濛濛一碧澹無影風颭紅衣涼露濕翠房  
冷歸櫂聲啞啞恐驚白鷗醒

寄蔣蔣邨

蔣侯磊落多奇姿英年鬱勃才不羈插架圖書千  
萬卷一燈夜靜勤搜披有時得意唾珠玉韓潮蘇  
海詞瀾飛平生與我交不薄傾蓋相投噉碌碌清  
談彷彿接晉人捉麈還看手如玉三年秉鐸慈湖  
傍原有前賢舊講堂烟雲岩壑翠重疊置身況在  
山水鄉閑來湖上時容與桃李逢春沾化雨娥江  
一望水潺湲我欲從之道修阻何當載酒臨湖濱  
重作蓮牀話舊人與公才擅天台賦擲地金石聲  
璘璘

愚庵續稿

十一

章遂舫先生屬題荷鋪卷

我笑萬戶侯甲第紛紛死卽休又笑廡下客彈鋏  
歸來仍落魄先生有道迴絕塵長鏡短鋪全我真  
壺中有酒且痛飲莫教瓶罄傷殘春淵明采菊歲  
云晚青蓮捉月事不返地下應無賣酒墟世間何  
事空杯瓊繁華過眼如浮雲濛沌塵世誰知君勸  
君且酌我且斟盃中聖賢知我心

華海珊將移家歸無錫拏舟辭別詩以餞之  
君不見馮驩倦遊思歸與長歌彈鋏嗟無魚又不



見杜陵旅食三十載京華道上朝驅驢寄人廡下  
總非策何如家食長歡愉海珊讀書破萬卷凌雲  
逸氣天下無年年長作北山旅對景每生離別緒  
桑陰十畝春閑閑到家一洗風塵顏更有原田欣  
負郭絕勝浮梗終飄泊晴嵐倒影搖烟波卽今歸  
去休蹉跎

酬張叔未見贈高麗筆用樊榭謝人高麗墨

韻

尖頭公勝白硯紙一握青鏤宛相似拔毫定縛長

愚庵續稿

十一

尾雞秋兔豐狐噬傅子蘇骨多兔書中寒架筆惜  
少銅博山好偕長帽半枚墨珍皮文簾鈿匣間

和槎客吳丈西篔落成之作

青林白谷水雲區百尺元龍舊隱居豈是畏人成  
小築依然高枕愛吾廬桑槐門巷春無際花月闌  
千晝不如到此詩情應更遠莫將心事問樵漁  
閉戶渾忘歲月新著書萬卷不知貧逃名誰說非  
名士近市偏教遠市塵十里青山晨策杖三條紅  
燭夜留賓蔬畦藥圃堪終老未必春禽解笑人

興不梅花西舍爲計壽喬作

幾樹寒梅白玉姿舍南舍北影參差雪窗人靜黃

昏夜認取先生寫照時

君築生  
壙其中

此日幽香占古春爲語

梅花休笑我羅浮夢裏自前身

過紫華舫贈屈峩園

昨宵虛對上除景鬪草看花成畫餅朝來何處覓  
春光一舸東湖破雲影揚來紫華舫畔過舫畔愧  
漾圍春羅竹樹蕭森碧一色坐來恍若凌烟波酌

愚庵續稿

七

我清泉茗贈我白雪歌伊子僻處苦離索相逢難  
得長婆婆淡淡春風上簾箔垂垂碧影生庭莎高  
才濩落困鄉里盛名坎壈理則那且復觴咏同逸  
少唱酬未肯輸羊何

徐雪廬過訪

水抱孤邨一徑紆停舟有客問橫湖同聲剛喜鶯  
求友接翼還看燕引雛

時挈令嗣  
芸峴並至

酒熟儘拚今日

醉情豪得似少年無卜鄰有約何時踐一笑相逢

興不孤



遠山飛翠撲簷端策杖尋幽興未殘巖戶靜深容  
我扣梅花遲放待君看波翻夕照頻催渡天秘春  
光故作寒安得留連成信宿一燈相與共盤桓

閉門

掃却閒名利開門安我貧購書傾橐米得酒集詩  
人靜極參禪悅閒多卽隱淪花前吟興好行坐總  
憐春

捕鼠

狡鼠甚狡兔何止營三窟善避如猯升多疑比狐

愚庵續稿

十四

搢每當燈乍昏呼羣競奔突或作沸湯聲翻盆喧  
活活或作簸錢響銜尾鳴唧唧殘卷任狼籍敝裘  
恣嚼齧聞聲倏驚竄伺隙復潛出行當乞烏圓勇  
與於菟埒一顧羣墮梁搜羅遍巢穴譬之秋螿螂  
捕蟬罔遺脫深宵悄無聲一枕夢秋月

塘栖

一葉赴遙汀蒼茫暮色冥烟迷官柳徑雲護御碑  
亭藕艇依邨岸螢燈點水星客踪無定所飄泊總  
浮萍

山行  
秋澗水逾淨，秋山葉未黃。白雲涼滿地，松翠落衣裳。

題劉瑞圃南欄訪僧冊子

落葉捲秋風，蕭蕭一磬通。客投孤嶂外，僧定亂雲中。  
松子有時落，蓮花無盡紅。參禪情未已，策杖過橋東。

酬槎客吳丈見贈原韻

幽棲雅似陶元亮，屋小原如杜少陵。安得移家鄰

思庵續稿

五

比住，隔牆分照讀書燈。

構墓廬

傍墳營丙舍，卜日及庚年。豈必矜輪奐，聊堪列豆  
籩。椿庭思舊訓，蓬戶守遺編。魏乏廬陵筆，何時表  
墓阡。

與西齋夜話

大雅不作詩亡矣，俗子紛紛孰堪齒。浮華滿眼競  
剽竊，其奈性靈失真旨。先生自少承真傳，削盡凡  
音，追正始。門前七十有二峯，峯峯影落硯池底。何



當結廬來山中山碧水清耳堪洗低頭把酒向君  
盟有山不隱如白水

自新溪至白洋里舟中有作

一灣綠水抱新溪鷗鷺爲羣上下飛欲訪幽人人

不見片帆風雨逐春歸

時訪張叔未不值

修戒橋邊松柏林高堂曾此漬啼痕春風權入雲

深處采采蘋蘩薦墓門

先大父墓在修戒橋先君子廬墓之所號白雲深處

烟雲慘淡白洋西墓木成林杜宇啼我正低徊不

能去舟人漫道夕陽低

先君子墓在白洋里

愚庵續稿

六

蔣華隱胡瘦山屈岌園過訪是夜卽偕余放

舟敵上

有客打雙漿尋詩問舊盟到門原不速倒屣失相

迎正惜歸蓬晚

余自白洋夜歸知三君已談藝竟日

爭呼並櫂行荒

雞聲未動欹枕待天明

經許黃門故第

林鶯如倦客一樣惜殘春勝地誰爲主荒祠孰薦

蘋雨餘芳草路風煖落花晨欲問南屏鶴徵糧少

佃民

鷹窠頂觀海

羣山一帶環長虹，攜朋觀海登高峯。海霧作障氣  
昏黑，青螺隱見驚波中。是時日午海潮動，白石齒  
齒聲隆隆。遠帆滅沒出烟島，如鴉萬點翻遙空。方  
壺員嶠不可卽，鯨背一氣開冥濛。蜃氣亂鼓走白  
馬，直教萬古同始終。丈夫會當作鵬舉，圖南九萬  
搏長風。君不見九州之外更有九，他日乘查須犯  
斗山頭。扶醉一長嘯，驚起蛟龍莽回首。

小憩雲岫庵山僧燒筍相餉

愚庵續稿

七

久雨初晴日色新，春風一徑草成茵。閒攜笠屐乘  
佳日，敢對湖山號主人。雲岫深藏琳宇小，雪泉寒

鎖洞天春

山有雪  
竇泉

山僧留客殷勤意，玉版參禪道

味真

永安湖隄散步

疎竹森森落日陰，尋幽水畔共行吟。一隄界畫湖  
南北，疊嶂分明畫淺深。得句儘教題石柱，攜琴不  
礙入松林。忽聞遠寺一聲磬，敲斷紛紛塵世心。

海上望秦駐山歌



五年不到秦駐峯峯頭泉石橫我胸重來海上  
一眺望隔岸遙見嵐光濃羣山高下環西東如水入  
海皆朝宗晴光撲面豁雙目烟雲合沓添春容秦  
皇駐此神秀鍾長鞭驅石氣獨雄採藥求仙百靈  
集跨海或者乘蒼龍草荒輦路人不逢只餘蕘豎  
披榛叢美人墟墓不可覓白雲空護秦時松我來  
欲訪遊仙踪八荒海外洪濤洪蒼茫獨立長太息  
放眼直到蓬萊宮歸途帆影何匆匆暝烟一片寒  
鴉衝不知好句落誰手但聽烟際敲疎鐘

愚庵續稿

六

暮春日同華隱瘦山菴園家古田少白并主  
入張中峪雅集涉園小飲用昌黎酬盧四兄

韻

來薰門外涉園好水石環列雲氣函奇峯疊嶂綠  
窗底蒼翠無異峭壁巉我來拜石覓遺跡丰茸草  
色粘青衫古藤滿架蔭几席春酒正熟杯可銜東  
湖南湖兩相望邀客不用音書緘諸君善飲嫌斗  
小我獨吟思如草芟乘醉登高一賈勇攬潮直上  
凌雲巖海上東風陡然作吹來細雨兼潮鹹談天

炙輟忘日夕主賓雜坐聲  
詰誦興來忽地發長嘯  
間關鳥語如相讒維昔  
黃門嗜幽隱疊石曾倩  
巨斧剗林泉無恙人歇  
絕風流千古誰賞鑒和  
風三月春正好烟景足  
飽饞眼饞當前何况盡  
名士雖無絲竹音和誠  
歌闌醉罷出奇句傳寫  
更奪春蔥

小立

久謝浮榮老做廬椽  
鞦桐帽世緣疎呼童閒  
種新分竹課子尋温半  
熟書爲愛長吟時抱膝  
祇將徐

愚庵續稿

九

步當安車晚來小立池  
西畔飽看行雲自卷舒

馬自笑

自笑迂疎不合時吹毛未厭客  
求疵嫌生瓜履防宜早殃及池  
魚悔已遲天上浮雲原變幻路  
旁短棘漫支離請看海國青青  
島出沒風波肯便移  
目兼題下半閒秋山圖  
流水當門還泛泛白雲出岫故  
遲遲板橋霜曉人烟靜想見溪  
山獨往時  
次和金山丁耘莊宛在園韻



一曲烟波西復東名園宛在水雲中春歸柳岸搖  
新綠秋入蓉坡逗小紅入幕多情惟皓月惠人無  
恙是清風湖洄未盡探幽興白露蒹葭悵鬱蔥  
昨夜林頭細雨滋朝來奇卉發枝枝雞豚遲我爲  
歡日泉石輸君獨寤時鳥有提壺堪勸酒花如解  
笑欲催詩閒來習靜焚香坐一縷輕烟裊碧絲

數日來李西齋朱平甫胡東井劉筠莊陳半

主吳榕園張叔未接踵至適口占四韻

連日尋詩客到家半窗風雨笑言譁敢誇戶外屨

愚庵續稿

三

常滿猶幸樽前酒弗賒隔岸揖山期策杖呼童掃  
徑待看花淡交有道真如水對榻閒評穀雨茶

黃退菴丈惠慈山居士草書作歌之

慈山居士酒中仙草書落紙如雲烟中山兔穎秃  
作冢墨池飛出龍蜿蜒傳說當年天氣爽提壺一  
醉坐堂上藤牋匹練列成行古硯隄麤光亂愧先  
生彷彿張顛同濡頭更喚尖頭公淋漓頃刻百紙  
盡天游舞鶴海戲鴻求者踏破鐵門限懷素那得  
稱專工吾鄉好手近絕少幸得涪皤作珍寶揮手

贈我了不惜展卷雲勝韋隲繞攜歸一字抵一縑  
臨摹使我逸興添鴨頭經帖換鷺字尹邢相較真  
無嫌更當襲以重錦永藏皮怒貌渴驥奔挾容窺  
覘絕勝遺蹟流落入俗手致使撥鐙神妙前輩名  
長淹

黃子未偕汪芝亭雨中過訪

性淡如秋菊勞君冒雨尋清風來短櫂流水託知音  
誼以貧交重情因久別深田家蔬味儉杯酒且  
同斟

愚庵續稿

五

寄呈秦小峴先生

卿雲在遙天萬衆翹首對大儒際 盛世民物實  
攸賴刑教善明弼臯夔見當代先生淮海英蚤歲  
聲鳳翽學本六經窮才若百川匯平生少宦情實  
至名易遂東方三大賦 九重善稱最薇省早朝  
詠粉署夕郎拜外臺旋駁歷問俗遍吳會到處歌  
召伯棠陰樹繁蒼還 朝領秋官百僚仰丰采孤  
寒振八百緬公若鰲戴公年正懸車急流樂勇退  
逍遙遂林泉矜式樹中外賤子夙仰止登龍羨儕



輩吾友城北徐

雪盧

幸逐桃李隊餘論賴說項得不

棄菅蒯自維孤露軀遺德缺記載非敢故淹遲區

區蓋有待幸遇燕許手坏土銘可丐

時方乞表  
先人墓

榮

及泉下人特筆誌梗概中郎題林宗碑版熙金薤  
伐石表墓門足壓漢時蔡感恩慕襟顏悵未接青  
陟何時謁崇堦突兀瞻泰岱鐘鼎兼山林福量欣  
未艾拜手申長謠弧南一星大

曉發橫湖

篷底夢難穩曉來山雨晴一年秋又到千里此初

思庵續稿

三

程湖水濯蓮色櫓枝搖雁聲新京天氣好帆掛北  
風輕

鷺脰湖

水宿淹昏旦問程猶五湖風高篷脚健月落櫓聲  
孤濁浪涵空淨遙山入望無水鄉魚蟹美是處好  
提壺

松陵道中

孤帆背江色進艇夕陽餘湖月連波白邨烟入竹  
疎叩舷驚宿鳥舉網得鱸魚便欲攜家具蘆塘卜

隱居

渡太湖

鮎魚口畔帆初剪  
四顧渺茫驚絕險  
青天包作大圓鏡  
人似傀儡真一點  
是時欲雨秋雲蒸  
滿湖烟霧涼不勝  
東鷺西鴨兩莫辨  
翻波但覺蛟鼉騰  
須臾上下崦忽近  
老柳枯椿堪繫艇  
我來已過消夏候  
轉怯寒波潑衣冷  
平生却有嗜奇癖  
擊汰揚舡任俄頃  
蓬萊碧澗不可到  
狎此洪波意亦騁  
安得龍威仙人抗手來  
相招身騎赤鯉浮  
驚濤攀躋七十二峯  
瞰塵界下凌萬六千頃  
遊逍遙

愚庵續稿

三

出澆墅關

扁舟一葉挾風輕  
垂柳垂楊送客程  
屈指郵籤三百里  
寒蛩猶作故鄉聲

望亭

好從柳外着吟身  
獨立斜陽淺水濱  
四柱亭分南北路  
半帆風送往來人  
鷗如盟客緣流至  
山不知名識面新  
杭稻花香過白露  
晚涼初透葛衣勻  
天台萬年藤杖歌爲秦小峴先生七十壽



吾聞天台之山四萬八千丈半入雲根半天上不知石梁一道何由度中有古藤非一狀或如赤龍拔鬚身連蝮或如靈蛇蛻骨形剛堅顛崖峭壁人迹不到處飽受風摧日炙兼霜露李明柏碩未及采拾得寒山幾曾遇得之應贈列仙癯筇竹桃枝讓堅固昔公持節浙西東此山此藤亦在管領中想共棠陰十萬樹千霄長養同青蔥又類憐才愛士意殷勤扶植還磨礱卽今事業皐夔比一疏辭榮返珂里樂志林泉寄暢園與閒與健頻來此我

愚庵續稿

五

奉是杖登公堂識荆有願欣初償感公椽筆邁韓子

謝表先人墓

祝公鶴算逾張蒼願公攜此卻老物登

山臨水增康強之江舊是戴恩地近游不啻榆枌

鄉

時有中秋來浙之約

朝凌瀛嶼喚雲鶴暮陟鷲嶺聞天香

鷹窠雲岫接展武公或有意來襄羊此杖隨公有眞幸靈壽何必誇孔光

過東林書院有感

太祖昔開國氣節以勵士餘澤及末造士氣尙如此節義邁東漢門戶由茲起諸臣互標榜端由考

察始相沿及三案抗疏爭不止批鱗首高顧楊左  
繼葉李天高總不聞闖人矯票旨委鬼坐當頭竟  
殺六君子羅織啓東厥忠魂泣西市奇獄等甘陵  
千載髮猶指二公幸脫禍放逐老鄉里講學詔諸  
生聊以貞素履乃思一網盡浮論又蠶起咄哉點  
將錄黨籍碑相似錢阮爾何物亦謬託驥尾君實  
有章惇子胥支宰豁與進不與退設科本如是然  
而諸巨儒矜然自無滓後人仰芳規昭昭在青史  
迄今拜講堂想見道如砥珍重天鑒錄臨風薦蘋

懸庵續稿

五

芷

登九龍山放歌

平生愛山如愛友相逢不厭流連久我自閩門放  
棹來梁溪好山落吾手看山喜高不喜平平巒遠  
岫妍亦醜但就山形奇絕處我船便纜山下柳九  
龍掉尾出雲中雲護山腰峯露九臨風策杖上層  
巔下視洞庭等培塿太湖萬頃白浪高疑有蛟龍  
恣噴吼松雲竹雨舞涼吹得揖山靈信非偶子季  
拍手叫奇絕私喜此遊良不苟下山更覓東岡泉



一徑穿雲入林藪雲漿應擅天下甲品居第二母  
乃後杖頭解得阮宣錢貫泉論斛酒論斗推蓬看  
煞學漁洋皎月銜峯拚坐守

自梁溪返權作

歸夢家千里羈情柳萬條片帆爭落日一葉趁寒

潮訪舊墓雲冷

華秋槎先生

懷人春樹遙

楊蓉裳先生

秋蟬

如喚客相送過江橋

寒山尋趙凡夫故居

宿雨鳴空林層巒聳秋碧策杖躡寒雲一徑松烟

懸庵續稿

三

濕啼鳥數聲中幽人曾此宅當年偕隱地迴與城  
市隔秋聲瀑布喧千尺落晴雪巖花座畔飛黛痕  
望中積不見寫生人瑤臺想芳蹟落日下西峯疎  
鐘一聲夕

鐘聲同人登虎邱有作

梵宇根空虛曲折俯崇阜攀陟上層巔正及秋雨  
後清商振涼颼寒雲入空牖小池積水深劍去莓  
苔厚小坐千人石永結生公友

虎邱山館訪孫淵如先生不值

古樹百尺陰覆此巖間閣欵門不見人門外松花落

沈歸愚先生祠

一洗箏琶綺靡音起衰特奏獨弦琴別裁僞體嚴  
唐宋晚達奇逢邁古今一代正宗歸大雅百年遺  
像冷荒林登堂恨我遲親炙展奠空深嚮往心

陽山白龍祠

寒波蕩漾雲峯高巉巖峭壁凌霄太湖幻出琉  
璃堆三十萬頃喧洪濤山鳥引客松下走萬壑烟

愚庵續稿

七

霞紛左右峯迴徑折白日暗耳畔長風作龍吼中  
有窪坎泉不枯傳是神物之所都結屋陰森雲氣  
黑屋上不敢棲啼烏洞口老藤不知幾年歲尋常  
游客那能來此地探幽訪古夕忘歸忽見片雲足  
下墜山得龍氣山亦靈日晚雨過林木馨涼風颯  
颯吹我袖嘯聲上逼青天青

吳江舟次有懷郭頌伽丹叔

十里松陵道江天一望空城高銜落日橋遠亘垂  
虹秋色明于水篷窗涼受風離愁逐螢火并墮亂



烟中

示兒

春風滿前軒坡帷盛佳景好鳥正多情旦夕來相  
警及此讀詩書莫負春日永金以百鍊成海以百  
川并力學苟不倦百家足馳騁世人競紛華浮動  
失恬靜不知寡悔尤何由得其正忘且之策其取  
子路喜聞過子思重知恥古來聖賢人爲學在行  
己家寒無長物萬卷餘經史展卷念先人苦心每  
在此巫醫雖賤業要自有恒始義理苟能通庶足

愚庵續稿

天

繼前軌努力愛春光勿使虛彈指  
邵灣道上  
天意憐遊客崇朝特放晴四山圍竹影萬壑瀉松  
聲嶺剝譚仙蹟湖留高士名探幽忘日夕策杖更  
閒行

鍾元圃以其尊人渭川寄意遺圖索題

古來愛竹一坡公渭川千畝藏諸胸風流闐寂七  
百載于今又見長社翁先生名勝徧陟歷匹馬遠  
追坡老踪晚年習靜嗜禪悅閉關偃臥金仙宮禪





